



Concello de Vigo

ASUNTO.- PREGO DE CONDICIONES TÉCNICAS PARA CONTRATACIÓN DE SERVICIOS BIBLIOTECARIOS PARA BIBLIOTECA EN AVDA. MARTÍNEZ GARRIDO.

OBXECTO.-

O obxecto do contrato é a prestación de servizos bibliotecarios complementarios, actividades e funcionamento da biblioteca municipal da Avda. Martínez Garrido 21 de Vigo.

Os servizos básicos a prestar son os propios dunha biblioteca pública; inicialmente e a título orientativo serían os seguintes: 1.- Información e préstamo: Servizo de atención ao usuario e servizo de consulta dos fondos da biblioteca. 2.- Fondos xerais: Servizo de consulta de fondos de información, coñecemento e ficción: narrativa, poesía, teatro e outros xéneros. 3.- Prensa, revistas e referencia: Servizo de lectura e consulta de prensa e revistas, presencial e en liña; servizo de lectura e consulta de bases de datos, enciclopedias, presencial e en liña. 4.- Espazo multimedia: Servizo de alfabetización dixital e servizo de acceso público a internet e ofimática. 5.- Espazo xuvenil: Servizo lectura de cómics e ficción; servizo de música, imaxe e xogos. 6.- Infantil: de 0 a 14 anos: Servizo de fondos infantís: coñecementos, ficción e cómics; servizo de acceso a internet e ofimática; servizo de xogos electrónicos educativos. 7.- Área de traballo: xestión, dirección, proceso físico e técnico dos fondos; preparación de actividades, etc. 8.- Espazo wifi: servizo de conexión wifi, espazo provisto con tomas eléctricas.

A superficie útil da biblioteca é de 389 m² e conta, ao redor, de 74 postos de usuario.

Do obxecto do contrato están excluídos os servizos de limpeza, mantimentos de instalacións de seguridade, subministros de enerxía eléctrica e auga.

LUGARES E HORARIOS.-

LUGARES.-

O empresa prestará os servizos nas dependencias da biblioteca pública municipal da Avda. Martínez Garrido, 21 da cidade de Vigo.

HORARIOS.-

Os horarios de prestación do servizo tanto do traballo interno da empresa adxudicataria como o de súa relación cos usuarios deberá especificarse na oferta das empresas licitadoras, de forma detallada e motivada, cun mínimo de 35 horas semanais e 6 días de apertura.

O concellería-delegada da Área Cultura poderá autorizar a modificación dos horarios iniciais, en función das necesidades da



Concello de Vigo

programación, da afluencia do público ou doutras circunstancias, sempre dentro do cómputo semanal ofertado.

CARACTERÍSTICAS DO SERVIZO.-

A empresa adxudicataria prestará os servizos bibliotecarios de acordo coas seguintes características:

- ◆ Selección de fondos para ampliación ou actualización: bibliográficos, audiovisuais, informáticos, etc., para a súa adquisición polo Concello e de acordo coas directrices da dirección da biblioteca.
- ◆ Proceso técnico automatizado dos fondos (selado, catalogación, clasificación, preparación para o préstamo e ubicación nas estanterías).
- ◆ Mantemento dos devanditos fondos (forrado, supervisión para a encadernación e reparación, plastificado, etc.)
- ◆ Xestión do servizo de préstamo, reserva de postos de usuarios (internet, audición, visionado,etc.).
- ◆ Planificación, xestión e coordinación do programa de actividades de animación á lectura na propia biblioteca.
- ◆ Realización de actividades de animación á lectura e de formación de usuarios.
- ◆ Planificación e xestión de programas escolares.
- ◆ Planificación e xestión dos programas de alfabetización dixital.
- ◆ Planificación e xestión de actividades para colectivos especiais.
- ◆ Planificación e xestión da automatización das bibliotecas.
- ◆ Servizo de orientación e información ao usuario; asistencia no uso das tecnoloxías da información e a comunicación.
- ◆ Custodia de fondos e demais elementos da biblioteca.
- ◆ Servizo de reprografía.
- ◆ Mantemento básico de Pcs, equipamento audiovisual, sistema de préstamo automatizado.
- ◆ Xestión de clubes de lectura.
- ◆ Xestión de contas e aplicacións en liña: intranet, aluguer de dominios, etc., de acordo coas normas que aos efectos teña establecido o Concello de Vigo.
- ◆ Asesoramento a profesionais: profesores, bibliotecarios, etc.
- ◆ Difusión da biblioteca, de acordo co manual de imaxe corporativa.
- ◆ Elaboración de informes sobre a prestación do servizo e estatísticas mensuais mediante datos de control diario e a memoria anual.



Concello de Vigo

- ◆ Coordinación e colaboración coas bibliotecas municipais na realización de actividades e servizos.
- ◆ E en xeral, calquera outra función, propia da biblioteca pública que lle sexa necesaria para o cumprimento do obxecto contractual e a mellor calidade do servizo. En todo caso, a empresa velará para que o seu persoal non realice tarefas, labores ou funcións distintas das que se relacionan como constitutivas das prestacións que configuran o obxecto contractual.

PERFIL DO EQUIPO DE PRESTACIÓN DO SERVIZO.-

A empresa adxudicataria dispoñerá dun equipo para a prestación dos servizos previstos que deberá axustarse ás seguintes características:

- ◆ O equipo dispoñera de persoal técnico con formación e titulación bibliotecaria demostrable, alomenos unha das persoas terá titulación universitaria de grado medio.
- ◆ No equipo estará integrado un especialista no traballo con poboación infantil, con formación ou experiencia.
- ◆ O equipo deberá ter algúun integrante con coñecementos de formato MARC e do programa de xestión de bibliotecas KOHA (KOGA)
- ◆ O persoal do equipo deberá ter coñecementos de Microsoft Office ou similar (programa similar en software libre)
- ◆ O traballo desenvolvido pola empresa estará sometido á supervisión do técnico/a municipal que se designe para a dirección da biblioteca.
- ◆ O Concello velará para que as prestacións da empresa adxudicataria se realicen con persoal que reuna os perfís profesionais adecuados ás funcións.
- ◆ En todos os casos, a empresa acreditará o dominio do galego oral e escrito por parte de todos os membros do equipo, con independencia de que se reúnan os requisitos académicos ou oficiais.
- ◆ O persoal da empresa adxudicataria deberá dispoñer dunha formación polivalente para a prestación dos distintos servizos contratados.
- ◆ Responsable da coordinación do servizo.- A empresa designará entre o seu persoal unha persoa responsable de coordinación da execución do proxecto e das prestacións derivadas; que será interlocutora da dirección da biblioteca ou do servizo de Cultura e Bibliotecas sobre a organización do servizo e a, este efectos, a canle habitual de relación coa empresa adxudicataria.

PREGO DE CONDICIÓNNS TÉCNICAS DO CONCURSO PARA CONTRATACIÓN DE SERVIZOS BIBLIOTECARIOS

PARA BIBLIOTECA EN AVDA. MARTÍNEZ GARRIDO, 21

18 de marzo de 2010

Páxina 3 de 6



Concello de Vigo

DEPENDENCIA DO PERSOAL E RETRIBUCIÓNS.

O Concello de Vigo en ningún caso asumirá responsabilidade ningunha con relación ao persoal de empresa; á adxudicataria correspondelle exercer sobre os seus traballadores as facultades de dirección e control, correspondéndolle ao Concello as facultades de control da execución do contrato, sen prexuízo das relacóns de colaboración que para unha correcta execución do mesmo, deban existir entre ambas partes.

O persoal que realice o servizo obxecto de licitación, dependerá en exclusiva do adxudicatario, o cal deberá cumplir as disposicións vixentes en materia laboral, de seguridade social e saúde laboral, referidas ao propio persoal ao seu cargo, quedando na obriga o contratista de remitir mensualmente á dirección da biblioteca ou á xefatura da unidade de Cultura e Bibliotecas unha copia dos documentos oficiais nos que quede acreditada a cotización á Seguridade Social e o pagamento dos salarios correspondentes ao persoal que realice a prestación do servizo.

A empresa adxudicataria entregará a documentación xustificativa do cumprimento do perfil solicitado; no caso de cambios de persoal por vacacións, enfermidade, baixas voluntarias ou por calquera outra circunstancia tamén se comunicará a substitución á dirección da biblioteca ou á unidade de Cultura e Bibliotecas coa máxima antelación posible (15 días no caso de vacacións, ao día seguinte no caso de enfermidade) e, en todos os casos, aportarase a documentación xustificativa do cumprimento dos requisitos esixidos nos pregos.

A empresa adxudicataria será a encargada de desenvolver os traballos encomendados baixo os criterios fixados pola dirección da biblioteca e/ ou xefatura da unidade de Cultura e Bibliotecas e terá a obriga de entregar, con carácter periódico, as estatísticas de visitas, quendas de traballo do persoal que preste os seus servizos na instalación e toda aquela información precisa para o adecuado funcionamento do servizo, que lles sexa solicitada pola dirección da biblioteca ou xefatura da unidade de Cultura e Bibliotecas.

FORMACIÓN.-

Polas características particulares dos servizos, a empresa presentará, xunto coa oferta, un plan formativo continuado, que terá unha periodicidade anual, destinado ao persoal da empresa adxudicataria que preste os servizos do contrato co obxecto da

PREGO DE CONDICIÓNIS TÉCNICAS DO CONCURSO PARA CONTRATACIÓN DE SERVIZOS BIBLIOTECARIOS

PARA BIBLIOTECA EN AVDA. MARTÍNEZ GARRIDO, 21

18 de marzo de 2010

Páxina 4 de 6



Concello de Vigo

actualización e mellora da calidade do servizo de acordo cos obxectivos do centro.

RECURSOS DA EMPRESA ADXUDICATARIA.-

A empresa adxudicataria realizará as credencias identificativas do seu persoal, que terán que contar coa conformidade da xefatura da unidade de Cultura e Bibliotecas.

A prestación do servizo por parte da empresa adxudicataria realizarase nas dependencias nas que se desenvolvan as actividades, principalmente na biblioteca pública municipal da Avda. De Martínez Garrido, 21; a empresa adxudicataria, aportará ao seu persoal os recursos materiais básicos necesarios para a execución do servizo contratado (consumibles, materiais para o proceso técnico dos fondos, materiais para a produción de información reproducible, memorias, etc; EPIs, mantemento e conservación dos recursos que achegue á prestación do contrato, etc.).

A empresa tamén aportará a documentación que acredite ter subscrita unha póliza de seguro que dea cobertura á responsabilidade e posibles danos de calquera tipo nos lugares das actividades, particularmente en dependencias municipais, producidos pola súa propia actividade empresarial ou a dos seus empregados

CONFIDENCIALIDADE E PROTECCIÓN DE DATOS.-

A empresa adxudicataria e o persoal que dela depende deberán gardar sixilo e garantir a confidencialidade sobre a información, documentación e actuacións relacionadas coa prestazón do servizo contratado, e obrígase a cumplir estrictamente co establecido na Lei Orgánica 15/1999, de protección de datos de carácter personal, no regulamento que a desenvolve e na lexislación sobre sociedade da información, comercio electrónico e afins.

Neste sentido incluirá cláusulas de garantía da confidencialidade sobre a información, os datos personais, e as materias antes citadas.

A divulgación de informacións sobre o servizo por parte da empresa requerirá inexcusablemente da autorización expresa do órgano de contratación ou do concelleiro-delegado da Área xestora do servizo contratado.

AVALIACIÓN DO SERVIZO.-

A empresa adxudicataria aportará, xunto coa oferta, os sistemas de control e avaliación da prestación do servizo e,

PREGO DE CONDICIONES TÉCNICAS DO CONCURSO PARA CONTRATACIÓN DE SERVICIOS BIBLIOTECARIOS
PARA BIBLIOTECA EN AVDA. MARTÍNEZ GARRIDO, 21

18 de marzo de 2010
Páxina 5 de 6



Concello de Vigo

mensualmente, presentará á dirección da biblioteca e á xefatura da unidade de Cultura e Bibliotecas os informes e datos derivados dese sistema.

En caso necesario a dirección dos centros e das actividades poderá establecer elementos complementarios de control e avaliación do servizo que preste a adxudicataria, co obxecto de introducir correccións e melloras na forma e calidade de realizar as prestacións.

UNIDADE DE SEGUIMENTO DO SERVIZO CONTRATADO.-

O seguimento do servizo contratado realizarase pola dirección da biblioteca e/ou a xefatura da unidade de Cultura e Bibliotecas.

IO/

Vigo, 18 de marzo de 2010
O xefe do departamento de Cultura

Conforme,
O concelleiro-delegado da Área de
Cultura e Animación Sociocultural

Xesús López Carreira

Ignacio Oliveira López

